

**Kodak** Color Control Patches

Cyan

Yellow

Red

Magenta


White

3/Co

67779

傳 65330  
258.1

木  
海  
森  
木  
海





米海岳年譜

米海岳年譜

冊 字第 19934 號

米海岳年譜



#920.575

4044

米海山年譜



米海岳年譜

大興 翁方綱 編

米黻字元章後改寫芾襄陽人

方信孺記云世居太原後徙襄陽

定居

潤州是以一作吳人其先在宋初有勳臣信黻五世祖

也父佐字光輔官武衛將軍贈中散大夫會稽公母閻

氏贈丹陽縣太君黻以母侍宣仁后藩邸恩補祕書省

校書郎

以下皆據方信孺記

洽光尉口口入淮南幕改宣德郎知

雍邱縣口監中嶽廟授漣水軍使發運司句當公事口

河撥發口入為奉常博士知常州不赴管句洞霄宮知



無爲軍復召爲書畫院博士擢禮部員外郎知淮陽軍  
其大畧如此諸家所記惟方信孺爲稍詳然已不能悉  
按年分記矣其有年月可攷者著於左

宋仁宗皇祐三年辛卯歲辛丑月生

四年壬辰

五年癸巳

至和元年甲午

二年乙未

嘉祐元年丙申

六歲日讀律詩百首一再過目輒背誦

二年丁酉

自敘云余初學顏書七八歲作字至大一幅寫簡不成  
按此語亦見於羣玉堂米帖

三年戊戌

四年己亥

五年庚子

手帖云余年十歲寫碑刻學周越蘇子美札自作一  
家人謂有李邕筆法聞而惡之



六年辛丑

十一歲

七年壬寅

八年癸卯

英宗治平元年甲辰

二年乙巳

三年丙午

四年丁未

神宗熙甯元年戊申

二年己酉

三年庚戌

四年辛亥

廿一歲

五年壬子

六年癸丑

七年甲寅

五月晦與潘景純同遊桂林伏波巖有手題字按桂林伏波巖即龍隱巖也厓上米題云米黻潘景純同



遊熙甯七年五月晦此厓間有米老畫像子友仁書  
贊下有方信孺記云予來桂林得僧紹言詩序及伏  
波巖與潘景純同遊□□□尉□□秩滿寓居西  
山資慶寺頗與紹言遊故有此作其它游蹟則闕如  
也序中云書於桂林易堂今亦失所在豈尉舊治耶  
公作畫史自此始然蔡天啟志公墓書洽光不及臨  
桂豈所謂□□者臨桂在其中耶抑先臨桂後洽光  
天啟所書偶畧之耶按方信孺字孚若號詩境甫興  
化軍人此記於米平生出處畧具其槩然熙甯八年

十月米題浯溪石云米黻南官五年求便養得長沙  
掾至元豐二年三月尚在長沙則熙甯八年以後五  
六年皆官長沙掾也其云南官五年由熙甯八年以  
前計之則自熙甯四年辛亥以後皆官於南也而方  
孚若此記不言其爲長沙掾則所謂南官五年者猶  
未能詳核耳

八年乙卯

浯溪石題云米黻南官五年求便養得長沙掾熙甯  
八年十月望經浯溪



九年丙辰

十年丁巳

元豐元年戊午

二年己未

送吳丈賓州使君詩云元豐己未官長沙

二年庚申

題長沙麓山寺碑云元豐庚申元日同廣惠道人來襄陽米黻按此米題在李北海書岳麓寺碑之側今砌入壁內知者罕矣

曾敏行獨醒雜志米元章自言年三十爲長沙掾盡焚燬所作詩文

四年辛酉

三十一歲題廬山東林碑云十月十六日楚國米黻按東林寺此碑久亡今是金貞元間重刻在東林寺門內東面米題蔣之奇題皆正書

五年壬戌

過山陽 過金陵

六年癸亥



蕭閒堂記云僕元豐六年赴希道金陵從事之辟會  
公謫不赴始識荆公于鍾山

七年甲子

按溫革叔皮跋米帖云米元章元豐中謁東坡於黃  
岡承其餘論始專學晉人其書大進攷坡公自元豐  
三年二月到黃州至七年四月以前皆在黃也

八年乙丑

哲宗元祐元年丙寅

藥洲米黻元章題時仲公詡積中同遊元祐丙寅季

春初八日題

八月九日撰寶章待訪錄

二年丁卯

過甬上六月南都舟中

三年戊辰

蘭亭題云元祐戊辰二月獲於才翁之子洎字及之  
米黻記

九月遊吳興有顏魯公碑陰記

跋殷令名帖云元祐戊辰集賢林舍人招爲茗雪之



遊九月道吳門五日艤舟垂虹亭按米老蜀素詩卷有吳江垂虹亭詩入境寄集賢林舍人詩重九會郡樓詩有謝守風流古所傳之句又有和林公峴山之作是時林蓋爲湖州守也

蜀素卷卽是年所書

按淳化閣帖題跋云行年四十元祐三年維揚倦遊閣題然元祐三年元章年三十八所言行年四十者撮指之語耳

四年己巳

維揚後齋爲亳州蔣使君寫

五年庚午

六年辛未

四十一歲上元後一日同周立之劉瑞邁章縱矩遊浮玉

題焦山瘞鶴銘後云仲宣法芝米芾元祐辛未孟夏觀山樵書

按王子敬帖跋云崇甯元年五月十五日易跋手衰時以芾字行適一紀据此云一紀自崇甯元年計之是其名寫芾在元祐六年辛未也又按張米庵真蹟



日錄載米手束三帖皆寫黻張跋云右米公三帖公傳世真墨早年作黻至立歲外始改蒂此爲元祐初書無疑米庵此跋所考尙未詳者米於元祐六年辛未始書爲蒂是時年四十一矣何云立歲乎且卽以米庵所云元祐初年猶書爲黻則元祐元年丙寅米公已年三十六矣豈得謂立歲外改蒂哉此條恐致貽誤故辨之

米海岳書畫凡有元祐六年辛未以前書作蒂者皆贗蹟也黻在前蒂在後悉可据此定之宋時著錄米

蹟莫如相臺岳倦翁所收米公手束至六十四幅而於黻蒂前後中間錯互不辨則尙未之詳考耳

又按米書蒂字中間先作一橫然後自上以直畫貫下此蒂字下从市分勿切市卽蒂字與朝市之市先上點而後橫畫者迥別凡米蹟此字誤作一點一橫廿頭下加市井之市者皆僞作也又按米公名先寫黻後寫蒂蓋以二字皆分勿切故其印篆作亞所謂兩已相背也朱竹垞詠辛卯米蒂四字印詩云十稔彙開見八八兩已相背無孤邪十稔八八米也兩已



相背亞也然而核諸六書實不如此春秋桓二年左傳火龍黻黻此是章服之黻米字元章則黻卽此字此傳又云衮冕黻珽此是蔽芾黻鞞絺皆與芾通則芾乃蔽芾之黻非章服之黻兩已相背則與章服之黻非一字也是則當日改寫芾時未之深考耳

七年壬申

九月蘇子瞻自揚州召還元章方知雍邱具飯餉之既至則對設長案各以精筆佳墨紙三百列其上而置饌其旁子瞻見之大笑就坐每酒一行卽伸紙共

作字以二小史磨墨幾不能供薄暮酒行既終紙亦盡乃更相易攜去自以爲平日書莫及也

八年癸酉

子友仁書跋云元祐之末先臣芾權潤州州學教授紹聖間任樞密院事林希以待制爲潤守極好古云云

紹聖元年甲戌

正月五日作明道觀壁記稱元祐甲戌

周益公題跋云元祐九年未改紹聖時元章知雍邱



縣上呂汲公書

暮春與周仁熟試賜茶十月東歸道過露筋祠刻石  
爲贊

二年乙亥

八月十八日觀潮於浙江亭詩自注時年四十五

三年丙子

四年丁丑

漣水軍唐王侍御廟記云紹聖丁丑丹陽米芾竊席  
是邦夏旱四月晦齋戒請雨翌日雨降

元符元年戊寅

跋晉帖云元符之元漣漪瑞墨堂題淨名齋記嘉瑞  
堂書

二年己卯

三年庚辰

十紙說越陶竹萬杵在油拳上緊薄可愛予年五十  
始作此紙

徽宗建中靖國元年辛巳

五十一歲



溫叔皮跋米帖云京口耆舊云建中靖國改元坡歸  
自嶺外與客遊金山有請坡題名者坡云有元章在  
米云某嘗北面端明某不敢坡撫其背云今則青出  
于藍矣元章徐曰端明真知我者也自爾益自負矣  
是年七月廿八日東坡卒元章有輓詩  
是年購得褚臨蘭亭詳見下條

二月十日得謝安八月五日帖跋云余年辛卯今太  
歲辛巳大小運丙申丙辰于辛卯月辛丑日丙申時  
獲之此非天耶米芾記注余生辛丑月

山谷詩集注米元章爲發運司屬官在江淮間詩中  
有滄江書畫船之句卽在是年

崇甯元年壬午

六月九日大江濟川亭艤寶晉齋舳對紫金浮玉羣

山迎快風銷暑重裝褚臨蘭亭

卽元祐戊辰獲于  
才翁之子洎者

跋王文惠本蘭亭云褚臨蘭亭丞相王文惠公故物  
辛巳歲購於公孫瓚壬午八月廿六日寶晉齋舫手  
裝

是年書陳君墓誌銘系銜云奉議郎充江淮荆浙等



路制置發運司管句文字武騎尉賜緋魚袋米芾書  
二年癸未

跋晉唐帖云癸未玉堂竹齋太常博士米芾記

跋王畧帖云癸未歲太常玉堂手裝

與人手柬云能書第二兒二十歲化去劓吾心肝至  
今皓首之由也癸未去國至今二兒二女老年何堪  
云云按此帖不著歲月所云能書第二兒化去蓋友  
知也

蕪湖縣學記無爲守米芾書按碑云崇甯元年仲秋

詔議修學越十月知蕪湖縣林修所建適如詔旨云  
云此記撰書在二年也或以此記在崇甯元年誤也  
三年甲申

六月制詔今四方承平百揆時敘小大之政畢舉獨  
書畫之學未有高世絕人之風殆勸勵之不至也其  
議投試簡拔之法著爲律令是時元章名能書適官  
太常遂除書畫兩學博士奉詔作黃庭小楷旋加褒  
美

四年乙酉



無爲軍仰高臺記

元章在無爲州書墨池二字寶藏二字勒石字皆徑二尺許

五年丙戌

盱眙第一山題云張大亨米芾丙戌歲

獲硯帖云僕今日獲天下大奇硯石佳發墨眼大如錢今歲有此奇獲真丙辛天地合也友仁跋云此晚年字岳珂跋云寶晉生以辛卯術家以天地合言則丙戌歲在大觀之元如寶晉因得右軍王畧帖作太

師行固嘗以丙辛合論得帖之月日矣硯山易居在何年不復可攷而此獲硯帖子友仁指爲暮年字攷其歲月蓋仙去前一歲也方綱按崇甯五年丙戌七月改元大觀故岳倦翁跋以爲大觀之元者蓋謂初改大觀之時非謂大觀元年也正卽謂崇甯五年爾大觀元年丁亥

五月丙戌朔作章吉老墓表

曹之格刻寶晉齋帖米書章吉老墓表大觀元

年丙午朔丙戌日立石有年無月誤也  
是年五月丙戌朔丙午是月非朔耳

口月卒於淮陽軍解方信孺記云痒生於首謝事不



許卒於官

志林云米元章晚年學禪有得知淮陽軍未卒先一月作親朋別書焚其所好書畫奇物造香栴木棺飲食坐臥書判其中前七日不茹葷更衣沐浴焚香清坐而已及期遍請郡寮舉拂示衆曰衆香國中來衆香國中去擲拂合掌而逝

按大觀元年丁亥米公卒時年五十七宋史本傳云出知淮陽軍卒年四十九其誤明矣又厲鶚宋詩紀事云大觀二年罷知淮陽軍亦誤也又宋程俱北山

小集題米元章墓文謂米公卒於大觀四年庚寅此亦不及張丑清河書畫舫言之爲詳張丑云米公卒於大觀元年丁亥又引蔡肇所撰米公墓誌謂葬于三年六月此與方信孺記云大觀三年葬于丹徒口山下正合也且黃長睿東觀餘論序云元章今已物故此序作於大觀二年戊子六月則米卒於大觀元年爲定說矣

米芾寶晉英光集今存者僅八卷岳珂序其集稱山林集舊有百卷陳振孫書錄解題云寶晉集十四卷



米所著述書史畫史寶章待訪錄海岳題跋其餘詩  
跋或見於英光堂帖羣玉堂帖及後人所編輯耳  
米公自言與二子友仁友知同校刻泗州南山杜氏  
所藏蘭亭不著歲月今此帖無攷  
岳倦翁云米嘗刻寶真齋于無爲州按此帖今佚  
江南通志米芾知山陽辨据宋史本傳擢禮部員外  
郎出知淮陽軍未嘗知山陽也當芾之時山陽尙爲  
縣未升軍考芾前此歷官嘗知雍邱縣無知山陽縣  
事蓋山陽是淮陽之訛

明禾郡范明泰編米襄陽外紀內云皇祐二年正月  
十七日詔米芾以黃庭小楷作小字千文按米公生  
於皇祐三年此條誤也

又如戲鴻堂帖卷內快雪時晴帖後米跋云紹聖丁  
酉海岳樓題按紹聖無丁酉此亦誤又海岳題跋內  
有紹興乙卯一條按此是米元暉跋誤入

米公二子友仁原名尹仁友知原名尹知其手柬云  
廿歲能書之子者蓋友知也自癸未以前計二十餘  
年未知友知生於某年而米帖家書付寅孫卽寅哥



米海岳年譜  
是友仁小名又小字虎兒故山谷詩虎兒筆力能扛  
鼎教字元暉繼阿章蓋生於寅歲故以寅爲小名由  
此考之友仁當生於熙甯七年甲寅也

鐵圍山叢談崇甯後尙方所藏米元章諸書率以千  
計余以宣和癸卯得見其目

紹興中嘗以米書刻石名紹興米帖

南渡後相臺岳珂以所藏米書鐫石曰英光堂帖

米自號鬻熊後人火正後人蓋以米卽芊也又有楚  
國米黻印又自號溪堂又曰鹿門居士襄陽漫仕淮

### 陽外史

子友仁字元暉又號懶拙老人宣和末掌書學紹興  
十一年召爲兵部侍郎以敷文閣待制提舉神祐觀  
奉朝請年八十二

元章曾孫巨秀見於方信孺記

九曜石在學使署中其一在藩署東齋上有藥洲  
二字旁書米黻元章題又有時仲公詡積中同遊  
元祐丙寅季春初八日題十八字余備藩粵東作  
亭覆之因翁覃溪閣學曩督學時與歐陽方伯有



光海岳年譜  
還石之約卽請閣學爲余記閣學欣然撰訖並纂  
海岳年譜見寄始知海岳書此字時年三十有六  
閣學年逾大耄而神明不衰考核精審足見前輩  
好學其不可企及如此余旣刻碑記並刊是譜未  
幾閣學道山之信且至噫石之移置不知歲月若  
干遲之久而遇閣學閣學還石之約又歷若干年  
遲之久而余方爲之作亭而閣學又爲之記天下  
事動而無動若有數存乎其間而是譜梓成閣學  
已不復覩然石得斯記以傳與海岳後先輝映矣

附識顛末於此爲藝林增一重翰墨緣云嘉慶戊  
寅首夏上澣後學武陵趙慎畛謹跋



米海岳年譜

譚瑩玉生覆校

右米海岳年譜一卷 國朝翁方綱撰案先生督學粵東時撰粵東金石略攷訂綦詳而藩署九曜石藥洲米黻元章題字斯譜亦定爲元祐元年據石刻也而阮通志謂其誤連時仲等連名讀之攷宋史海岳本傳以宣仁后藩邸舊恩補洽光尉熙甯八年浯溪刻石云米黻南官五年求便養得長沙掾方信孺米公畫像記云洽光尉口口入淮南幕温革跋米帖云元章元豐中謁東坡於黃岡蕭閑堂記云僕元豐六年識荆公於鍾山殷令名帖跋云戊辰集賢林舍人招爲茗書之游淳化帖



跋云元祐三年維揚倦游閣題據此則熙甯八年以前元章蹤跡在廣南所謂南官五年也八年以後元祐三年以前則在長沙江淮間安有元祐元年復游廣州題藥洲之理哉竊謂此題刻當在尉洽光時蓋廣州爲都督府元章或以事至因游此耳然不能定爲何年故附於熙甯之末云而學使署九曜石舊傳有海岳詩然不可攷先生嘗賦詩云不知米家詩句刻何處想在老榕巨根內又云未知老榕脚下字後來誰則代我摹追道光六年十二月今大冢宰翁邃菴師時督學粵東浚九

曜池因截榕根數尺濯而出之得五絕一首其文曰九  
口石碧海出蜃閣青空起夏雲瑰奇口怪石錯落動星  
文米黻熙甯六年七月六行三十一字爲從來金石家  
所未著錄則藥洲題字同爲熙甯無疑使先生早得是  
刻則金石略與斯譜當並詳之矣然譜內熙甯七年一  
條已明言其云南官五年由熙甯八年以前計之則自  
熙甯四年辛亥以後皆官於南矣咸豐乙卯芒種後二  
日南海伍崇曜謹跋



才海岳全言





